

ՈՍՏԱՅՆ

ՃԵՊԷԼ ՄՈՒՍԱՅԻ ՀԻՒՍՈՒԱԾԵՂԷՆԻ
ԱՆԱՆՈՒՆ ԸՆԿԵՐՈՒԹԻՒՆ



ԿԱՆՈՆԱԳԻՐ

ՎԱԻԵՐԱՅՈՒԱԾ ՄԻՐԻԱԿԱՆ ՊԵՏՈՒԹԵՆԷՆ
ՀԱՄԱՐ 3975 ԵՒ 15 ՅՈՒՆԻՍ 1935 ԹՈՒԱԿԻՐ ՀՐԱՄԱՆԱԳՐՈՎ




1935

ՏՊԱԳՐՈՒԹԻՒՆ

Ա. ՏԷՐ ՍԱՀԱԿԵԱՆ

ՀԱՂԷՊ



25 SEP 2010

ՈՍՏԱՅՆ

ՀԱՅԱՍՏԱՆԻ ԿՈՆՍՏԱՆԴՆՆԵՐԻ
ԱՆԱՆՈՒՆ ԸՆԿԵՐՈՒԹՅՈՒՆ

ԳԱՆՈՒԼՅԱԴԻՐ

ՀԱՅԱՍՏԱՆԻ ԿՈՆՍՏԱՆԴՆՆԵՐԻ
ԱՆԱՆՈՒՆ ԸՆԿԵՐՈՒԹՅՈՒՆ

0005 932 25

677.4

7-53

18.05.2013


ՈՍՏԱՅՆ

ՃԵՊԷԼ ՄՈՒՍԱՅԻ ՀԻՒՍՈՒԱԾԵՂԷՆԻ
ԱՆԱՆՈՒՆ ԸՆԿԵՐՈՒԹԻՒՆ



ԿԱՆՈՆԱԳԻՐ

ՎԱԿԵՐԱՅՈՒԱԾ ՄԻՐԻԱԿԱՆ ՊԵՏՈՒԹԵՆԷՆ
ՀԱՄԱՐ 3975 ԵՒ 15 ՅՈՒՆԻՍ 1935 ԹՈՒԱԿԻՐ ՀՐԱՄԱՆԱԳՐՈՎ



1935

ՏՊԱԳՐՈՒԹԻՒՆ

Ա. ՏԷՐ ՍԱՀԱԿԵԱՆ

ՀԱՂԷՊ

ԿԱՆՈՆԱԳԻՐ**ՈՍՏԱՅՆ ԱՆԱՆՈՒՆ ԸՆԿԵՐՈՒԹԵԱՆ****Ա. ԳԼՈՒԽ****ՆՊԱՏԱԿ - ԱՆՈՒՆ - ԿԵԴՐՈՆ - ՏԵԽՈՂՈՒԹԻՒՆ**

Յօդ. 1 — Ներկայ կանոնադրութեամբ ստեղծուած և հետագային ստեղծուելիք բաժնետոմսերու տէրերուն միջև կազմուած է սխրական տնանուն ընկերութիւն մը: Այս ընկերութիւնը պիտի ենթարկուի երկրին մէջ կիրարկուած օրէնքներուն և ներկայ կանոնադրութեան:

Յօդ. 2 — Ընկերութեան զբաղման առարկան է, ուղղակի կամ անուղղակի, ֆրանսական հոգատարութեան տակ զբաղուող մերձարեւելեան երկիրներուն մէջ —

արտադրութիւնն ու վաճառումը մետաքսէ, արուեստական մետաքսէ և բամպակէ ամէն տեսակ կերպասներու:

ստեղծումը կամ գնումն ու շահագործումը նման կամ հիւսուածեղէնի ճարտարարուեստին հետ կապ ունեցող ձեռնարկներու:

և ընդհանրապէս առևտրական, ճարտարարուեստական, կալուածական և ելմտական գործառնութիւններ, որոնք, ուղղակի կամ անուղղակի՝ ամբողջութեամբ կամ մասնակի, կապ ունին նախապէս յիշուած առարկաներէն միոյն կամ անոնց նմաններուն և կամ անոնց մօտեցողներուն հետ:



65607-67

Յօդ. 3 — Ընկերութիւնը պիտի կոչուի «Ոստայն - Ճէպէլ Մուսայի Հիւսուածեղէնի Անանուն Ընկերութիւն»:

Յօդ. 4 — Ընկերութեան կեդրոնն է Բիթրաս (Ճէպէլ Մուսա, Անտիոք):

Յօդ. 5 — Ընկերութեան տեղեւորութիւնն է քսան տարի ի բաց առեալ ներկայ կանոնադրութեամբ նախատեսուած երկարաձգման կամ ժամանակէ առաջ լուծման պարագաները:

Բ.

ԸՆԿԵՐՈՒԹԵԱՆ ԴՐԱՄԱԳԼՈՒԻ - ԲԱԺՆԵՏՈՄՍԵՐ

Յօդ. 6 — Ընկերութեան գրամագլուխ որոշուած է տասըներկու հազար սուրիական ոսկի, որ բաժնուած է իւրաքանչիւրը վեց սուրիական ոսկինոց երկու հազար բաժնետոմսերու:

Յօդ. 7 — Արձանագրուած բաժնետոմսերու փոխարժէքը վճարելի է կամ ընկերութեան կեդրոնը և կամ այդ նպատակին համար նշանակուած որեւէ տեղ —

երկու քառորդը արձանագրութեան պահուն.

իսկ մնացորդը, մէկ կամ աւելի անգամներով, ընկերութեան պէտքին համեմատ և վարչական խորհուրդի որոշումով, որը կը ճշդէ գանձելի մասնավճարը և վճարման թուականն ու վայրը.

գրամի պահանջման որոշումը բաժնետէրերուն կը հաղորդուի որոշուած վճարօրէն մէկ ամիս առաջ կամ նամակով և կամ կեդրոնի ամենամօտակ վայրի թերթին մէջ հրատարակուած յայտարարութեամբ:

Բաժնետոմսի որեւէ արձանագրութիւն, որուն հա-

մար պահանջելի մասնավճարները չեն գանձուած, կըրնայ ապահովագրեալ նամակով զրկուած ազդարարագրի մը մինչև ութը օր անպատասխան մնալու պարագային չեղեալ նկատուիլ:

Յօդ. 8 — Ընկերութեան գրամագլուխը կարելի է մէկ և աւելի անգամներ բարձրացնել նոր բաժնետոմսերու ստեղծումով, համաձայն արտակարգ ընդհանուր ժողովի որոշումին ըստ 41րդ յօդուածի:

Այս ժողովը կ'որոշէ նաև նոր բաժնետոմսերու հրապարակման պայմանները և կամ այդ նպատակին համար իրաւասութիւններ կուտայ վարչական խորհուրդին:

Դրամով վճարելի նոր բաժնետոմսերու հրապարակման պարագային և եթէ արտակարգ ընդհանուր ժողովի տարրեր որոշում գոյութիւն չունենայ՝ նախկին բաժնետոմսերու տէրերը, որոնք իրենց պարտքը ամբողջութեամբ վճարած են, ինչպէս և հիմնագրի բաժիններու տէրերը նոր բաժնետոմսերու արձանագրութեան մէջ նախապատուութեան իրաւունք պիտի ունենան: Այս իրաւունքի կիրարկման ձևը, ժամանակը և պայմանները կը ճշգրտին վարչական խորհուրդին կողմէ:

Արտակարգ ընդհանուր ժողովը կրնայ վերոյիշեալ ձևով նաև որեւէ պատճառաւ և որեւէ եղանակով գրամագլուխի զեղչ որոշել:

Յօդ. 9 — Եթէ բաժնետոմսերու վրայ ըլլալիք վճարումները չկատարուին 7րդ յօդուածի նախատեսած եղանակով, յապաղման համար 6 առ հարիւր տոկոս կը պահանջուի առանց դատարանի դիմելու:

Ընկերութիւնը կրնայ ազդարարագրի մը ապա-

հովազրեալ նամակով ուղարկումէն ութը օր յետոյ ծախել տալ, նոյնիսկ երկրորդ օրինակով, այն բաժնետոմսերը, որոնց վրայ յապաղած վճարումներ կան:

Սոյն բաժնետոմսերու թիւերը կը հրատարակուին կեդրոնի ամենամօտիկ վայրի թերթին մէջ:

Այս հրատարակութենէն տասն և հինգ օր յետոյ ընկերութիւնը, առանց ուրիշ որեւէ ձեւակերպութեան, կրնայ բաժնետոմսերու վաճառումը կատարել սակարանի մէջ կամ աճուրդով թերացող բաժնետիրոջ հաշուոյն:

Այս ձեւով ծախուած բաժնետոմսերու թուղթերը ջնջուած կը նկատուին և գնողներուն կը յանձնուին նոյն թիւերը կրող նոր թուղթեր:

Բաժնետոմսերու վաճառումէն զոյացած գուտ գումարը կ'անցնի իրաւադրկուած բաժնետիրոջ հաշուոյն, որը պակսածը պարտական կը մնայ կամ աւելին կը պահանջէ:

Յօդ. 10 — Առաջին վճարումը կը հաստատուի անուանակիր ընկալագրով մը, որը ընկերութեան վերջնական կադմութենէն յետոյ կը փոխարինուի առժամեայ բաժնետոմսով մը՝ դարձեալ անուանակիր:

Հետագայ վճարումները կ'արձանագրուին սոյն առժամեայ տոմսին վրայ:

Վերջնական բաժնետոմսը կը յանձնուի միայն ամբողջական վճարումէն յետոյ:

Ամբողջապէս հատուցուած բաժնետոմսերը կը դառնան կրողին սեփական և անոնց փոխանցումը կը կատարուի պարզ յանձնումով: Եւ սակայն բաժնետոմսերու տէրերը պարտաւոր են վաճառման պարագային ընկերութեան իմաց աւել և գնողին անունն ու հասցէն հաղորդել:

Յօդ. 11 — Առժամեայ ինչպէս նաեւ վերջնական բաժնետոմսերը փրցուած կ'ըլլան արժատ ունեցող տետրերէ և կը կրեն կարգաթիւ մը, ընկերութեան կնիքը և վարչութեան երկու անդամներու ստորագրութիւնը կամ վարչութեան մէկ անդամին ու վարչութեան պատուիրակի մը ստորագրութիւնը:

Յօդ. 12 — Բաժնետոմսերը ընկերութեան համար անբաժանելի են: Երբ բաժնետոմս մը մէկէ աւելի տէրեր ունենայ անոնցմէ մէկը միայն կրնայ դանոնք ընկերութեան մօտ ներկայացնել:

Յօդ. 13 — Ամէն մի բաժնետոմս իրաւունք կուտայ ընկերութեան ստացուածքի մէկ մասին վրայ, որ համեմատական է հրապարակուած բաժնետոմսերու ընդհանուր թւին:

Ասկէ զատ իրաւունք կուտայ չահու մէկ մասին վրայ 44րդ և 48րդ յօդուածներու տրամադրութեանց համաձայն:

Յօդ. 14 — Բաժնետոմսի մը սեփականութիւնը կը պարտաւորէ ենթարկուիլ ընկերութեան կանոնադրութեան և ընդհանուր ժողովի որոշումներուն:

Բաժնետիրոջ մը ժառանգորդները կամ պահանջատէրերը, ինչ պատճառաւ ալ ըլլայ, չեն կրնար ընկերութեան ինչքերն ու թուղթերը արգելքի տակ առնել, պահանջելով անոնց բաշխումը կամ վաճառումը և ոչ ալ որեւէ ձեւով խառնուիլ վարչական գործերուն. իրենց իրաւունքը արժեցնելու համար պարտաւոր են զիմիւր ընկերութեան հաշիւներուն ու հաշուները կըշտին և ընդհանուր ժողովի որոշումներուն:

Գ.

ՀԻՄՆԱԴՐԻ ԲԱԺԻՆՆԵՐ

Յօդ. 15 — Ընկերութեան հիմնադիրներուն յատկացուած են չորս հարիւր հիմնադրի բաժիններ ի վարձատրութիւն ընկերութեան հիմնումին և դործի կազմակերպման համար իրենց տարած մասնագիտական աշխատանքին:

Հիմնադրի բաժինները ընկերութեան շահէն մաս մը կը ստանան համաձայն 44րդ յօդուածի տրամադրութեանց:

Դ.

ԸՆԿԵՐՈՒԹԵԱՆ ՎԱՐՉՈՒԹԻՒՆԸ

Յօդ. 16 — Ընկերութիւնը կը կառավարուի վարչական խորհուրդի մը կողմէ որ կը բաղկանայ ընդհանուր ժողովէն ընտրուած հինգ բաժնեատէրերէ:

Սակայն առաջին վարչական խորհուրդը կը կազմուի ընկերութեան հիմնադիրներէն և դործի ղեկավարը մնայ մինչև 1937ի սովորական ընդհանուր ժողովը:

Յօդ. 17 — Վարչական խորհուրդի անդամները պարտաւոր են առնուազն քսան բաժնեատմսի տէր ըլլալ որքան առեն որ պաշտօնի վրայ են:

Այս բաժնեատմսերը սահմանուած են վարչութեան դործունէութիւնը երաշխաւորելու և անձեռնմխելի կերպով ի պահ կը զրուին ընկերութեան անտուկը:

Յօդ. 18 — Վարչութեան անդամներու պաշտօնը կը տեւէ երեք տարի հետեւեալ մասնաւոր պայմաններով —

Առաջին վարչական խորհուրդը պաշտօնի վրայ կը մնայ մինչև 1937ի սովորական ընդհանուր ժողովը, որը կ'ընտրէ նոր վարչութիւն մը:

այս թուականէն սկսեալ ամէն անգամ տարեկան ընդհանուր ժողովը վարչութեան անդամներուն որոշ մէկ մասը, համեմատած վարչութեան անդամներու ընդհանուր թուին, կը փոխէ ա'յնպէս որ ամէն երեք տարուայ ժամանակաշրջանի մը մէջ վարչութիւնը ամբողջութեամբ փոխուած կ'ըլլայ:

սոյն տրամադրութեանց առաջին կիրարկման համար պաշտօնէ դադարման կարգը կ'որոշուի վիճակով վարչութեան նիստին մէջ, առաջին անգամ այս ձևով կարգը հաստատուելէ յետոյ պաշտօնէ դադարումը տեղի կ'ունենայ հնութեան կարգով և ամէն մի վարիչի պաշտօնավարութեան շրջանը կ'ըլլայ երեք տարի:

Պաշտօնէ դադարած ամէն անգամ վերընտրելի է:

Յօդ. 19 — Եթէ որեւէ պատճառով վարչութեան անդամներէն մէկը պակսի, վարչութիւնը զայն առժամաբար փոխարինելու համար կրնայ մէկը հրաւիրել:

Ասոր յաջորդող տարեկան ընդհանուր ժողովը իր առաջին նիստին վերջնական ընտրութեան կը ձևաւորուի:

Պակասած անդամի մը փոխարէն ընտրուած վարիչը պաշտօնի վրայ կը մնայ այնքան տաւն որքան իր նախորդը տակաւին իրաւունք ունէր:

Եթէ առժամեայ անուանումները ընդհանուր ժողովին կողմէ չվաւերացուին իսկ, վարչութեան տուած որոշումներն ու կատարած գործերը դարձեալ օրինական կը մնան:

Յօդ. 20 — Ամէն տարի սովորական ընդհանուր ժողովին

յաջորդող իր առաջին նիստին մէջ վարչութիւնը իր անդամներէն մէկը կ'ընտրէ նախագահ, և եթէ յարմար դատէ, մէկ ուրիշն ալ փոխ-նախագահ, որոնք միշտ վերընտրելի են:

Նախագահի և փոխ-նախագահի բացակայութեան վարչութիւնը ամէն անգամ իր անդամներէն մին կը նշանակէ այդ նիստը վարելու համար:

Վարչութիւնը կ'ընտրէ նաև իր քարտուղարը, որ կրնայ նոյնիսկ զուրսէն մէկը ըլլալ:

Յօդ. 21 — Վարչական խորհուրդը կը հաւաքուի իր նախագահի կամ իր անդամներու կէսի հրաւերին վրայ. այնչափ անգամ որ ընկերութեան շահը կը պահանջէ և առնուազն ամիսը մէկ անգամ, ըլլայ ընկերութեան կեդրոնը, ըլլայ ժողովի հրաւերին մէջ յիշուած ուրիշ որեւէ վայր:

Ժողովին որոշումները օրինաւոր նկատուելու համար առնուազն անդամներու կէսը պէտք է ներկայ ըլլայ:

Ժողովին որոշումները ներկայ անդամներու մեծամասնութեամբ կը տրուին և ձայներու հաւասարութեան պարագային նախագահի ձայնը գերակշիռ է:

Ոչ ոք կրնայ վարչութեան մէջ փոխանորդութեամբ քուէարկութեան մասնակցիլ:

Յօդ. 22 — Վարչութեան որոշումները կը հաստատուին մասնաւոր տոմարի մը մէջ արձանագրուած առեւտրութիւններով, որոնք ստորագրուած կ'ըլլան ժողովին ներկայ եղող անդամներէն:

Յօդ. 23 — Վարչական խորհուրդը օժտուած է ամենալայն իրաւասութիւններով գործելու համար ընկերութեան անունով և ընկու կամ ընել տալու համար ընկերու-

թեան նպատակին հետ կապ ունեցող ամէն տեսակ ակտեր ու գործառնութիւններ:

Ի մասնաւորի հետեւեալ իրաւասութիւնները ունի, որոնք կը յիշուին միայն առանց սակայն սահմանափակելու.

ան կը ներկայացնէ ընկերութիւնը հասարակութեան և պաշտօնական հաստատութեանց առաջ.

կը պատրաստէ ընկերութեան ներքին կանոնադրութիւնները.

կը հաստատէ ներկայացուցչութիւններ, միջնա-նոցներ, գրասենեակներ կամ մասնաճիւղեր ուր որ պէտք տեսնէ, զանոնք կը տեղափոխէ կամ կը ջնջէ.

կը նշանակէ և կը զտրիցնէ ընկերութեան բոլոր պաշտօնեանները, կը ճշդէ անոնց վարձատրութիւնը և ընդունելութեան ու հրաժարեցման մնացեալ պայմանները.

կ'որոշէ ընկերութեան ընդհանուր ծախսերը և միջրքներու գնումները.

կը գանձէ ընկերութեան պահանջները և կը վճարէ պարտքերը.

կ'որոշէ արամագրելի գումարներու զետեղումը և պահեստի գումարներու գործածութիւնը.

կը ստորագրէ, կը փոխանցէ, կ'ընդունի և կը ստացագրէ ամէն տեսակ առեւտրական տոմսեր.

կ'արտօնէ գնումը և փոխանակութիւնը կալուածական իրաւունքներու ու ինչքերու ինչպէս և վաճառումը անպէտ նկատուածներուն.

կը կատարէ չինութիւններ, սարքաւորումներ և նման ամէն տեսակ գործեր.

կը բանայ գրամատուներու մէջ ընթացիկ հաշիւներ և անոնց համար չէքեր ու մուրհակներ կը ստորագրէ.

կ'արտօնէ ամէն տեսակ վարկ և ավանս.

կը կնքէ փոխառութիւններ վարկի կամ այլ միջոցաւ. կը կատարէ ամէն տեսակ դատական գործողութիւններ ըլլայ իբրեւ պահանջող ըլլայ իբրեւ պաշտպանող.

կ'որոշէ ընդհանուր ժողովին ներկայացուելիք վիճակացոյցները, ցուցակագրութիւնները և հաշիւները.

կը քննէ իրեն եղած ամէն տեսակ առաջարկներ և կը պատրաստէ օրակարգը:

Յօդ. 24 — Վարչութիւնը կրնայ իր անդամներէն մէկ կամ աւելի անձերու անհրաժեշտ իրաւասութիւնները տալ, գործադրելու համար իր որոշումները եւ վարելու համար ընկերութեան ընթացիկ գործերը:

Վարչութիւնը կրնայ նաեւ մէկ կամ աւելի անօրէններու իր յարմար դատած իրաւասութիւնները տալ, վարելու համար ընկերութեան արհեստագիտական ու առեւտրական գործերը, և անոնց հետ պայմանագրութիւններ կնքել:

Վարչութիւնը կրնայ զարձեւել մնայուն կամ սուժամեայ տնօրէն ժողովներ եւ փորձագէտներու կամ խորհրդականներու յանձնախումբեր նշանակել:

Վարչութիւնը ասոնցմէ զատ կրնայ և իր յարմար դատած որեւէ մէկ անձին իրաւասութիւններ տալ, մէկ կամ աւելի որոշ խնդիրներու համար:

Յօդ. 25 — Ընկերութեան վերաբերեալ ամէն տեսակ վաւերացումներ, հաստատուած վարչութիւնէն, ինչպէս նաեւ արժէքներու և գրամներու ստացումը, գրամատուներու, պարտատէրերու և աւանդապահներու վերայ քաշուած փոխգիրքները և այլ ամէն տեսակի առեւտրական ամսերու ճանաչումը, փոխանցումը, ընդու-

նումը կամ ստացագրումը պէտք է միշտ կատարուին երկու վարիչներու ստորագրութեամբ, եթէ վարչութիւնը փոխանորդութիւն չէ տուած իր մէկ անդամին, տնօրէնի մը կամ այլ ներկայացուցչի մը:

Յօդ. 26 — Վարիչները իրենց պաշտօնի բերմամբ ընկերութեան յանձնառութեանց համար ոչ անհատաբար և ոչ ալ հաւաքաբար, անձնական պատասխանատուութիւն չեն ստանձնիր: Անոնք պատասխանատու են միայն իրենց պաշտօնի կատարման համար:

Յօդ. 27 — Վարչութիւնը իր յարմար դատած եղանակով իր անդամներուն միջև կը բաժնէ ընդհանուր ժողովի կողմէ իրեն յատկացուած վարձատրութիւնը ինչպէս նաեւ 44րդ յօդուածի համաձայն իրեն վերապահուած շահարամիւնը:

Ե.

ՀԱՇՈՒԵՔՆՆԻՉՆԵՐ

Յօդ. 28 — Ամէն տարի սովորական ընդհանուր ժողովը մէկ կամ աւելի, ընկերակից կամ ոչ, հաշուեքննիչներ կ'ընտրէ, որոնց պարտականութիւնն է յաջորդ տարուայ ընդհանուր ժողովին տեղեկագիր ներկայացնել ընկերութեան կացութեան ինչպէս նաեւ վարչութեան կողմէ ներկայացուած հաշուեկշիռի ու հաշիւներու մասին:

Հաշուեքննիչները վերըանրելի են:

Ընդհանուր ժողովի համար որոշուած թուականին նախորդող եռամսեայ ընթացքին եւ ամէն անգամ որ յարմար դատեն ընկերութեան շահուն հա-

մար հաշուեքները իրաւունք ունին ընկերութեան տոմարներն ու զործառնութիւնները քննելու:

Եթէ ընդհանուր ժողովը մէկէ աւելի հաշուեքներն ինչներ նշանակած է, անոնցմէ մին կրնայ առանձինն գործել երբ միւսները, վախճանած, հրաժարած, մերժած կամ այլ արգելքներ ունեցած են:

Հաշուեքները իրաւունք ունին վարձատրութիւն մը ստանալու, որուն քանակը ընդհանուր ժողովը կ'որոշէ:

Բացառաբար առաջին հաշուական տարին համար, որ կը վերջանայ 1937ին, հաշուեքներէն կը նշանակուի հիմնադրներու կողմէ:

Զ.

ԸՆԴՀԱՆՈՒՐ ԺՈՂՈՎՆԵՐ

ա - Սովորական և արտակարգ ընդհանուր ժողովներուն հասարակաց արամադրութիւններ.

Յօդ. 29 — Ամէն տարի հաշուեփակի թուականին յաջորդող վեց ամիսներու ընթացքին բաժնետէրերը ընդհանուր ժողով կը զուգարեն վարչութեան հրաւերին վրայ, որը կ'որոշէ տեղը, օրը և ժամը:

Վարչութիւնը կրնայ նաև ընդհանուր ժողովը բացառիկ նիստի հրաւիրել. նոյնիսկ ստիպուած է այդ ընկ երբ զրամագլուխին առնուազն քառորդը ներկայացնող բաժնետէրեր պահանջ դնեն:

Ընդհանուր ժողովի հրաւերները կ'ըլլան որոշուած թուականէն առնուազն քսան օր առաջ, կեդրոնին ամենամօտիկ վայրի թերթին մէջ հրատարակուած յայտարարութիւններով: Այս ժամանակամիջո-

ցը կարելի է տասը օրուան զեղչել երկրորդ հրաւերի վրայ զուգարուելիք ընդհանուր ժողովներուն համար:

Հրաւերի յայտարարութիւնները պէտք է նաև ամփոփ կերպով օրակարգը պարունակեն:

Յօդ. 30 — Ընդհանուր ժողովներու մասնակցիլ փափաքող բաժնետէրերը պարտաւոր են իրենց սեփական բաժնետոմսերու քանակը հաստատող փաստաթուղթերը ունենալ:

Բաժնետէրերը կրնան ընդհանուր ժողովին ներկայացուցիչներ զրկել. բայց մէկը որ անդամ չէ ընդհանուր ժողովին չկրնար բաժնետէր մը ներկայացնել:

Յօդ. 31 — Ընդհանուր ժողովին կը նախագահէ վարչական խորհուրդի նախագահը կամ փոխ-նախագահը. իսկ անոնց բացակայութեան պարագային, վարչութեան կողմէ նշանակուած մէկ վարիչը:

Ղիւանը ունի նաև առնապայի մը և քուէահաւաք մը. այս պաշտօնները կը կատարուին ներկաներու մէջէն ամէնէն աւելի բաժնետոմս ունեցող կամ ներկայացնող երկու անձերուն կողմէ:

Ամէն ընդհանուր ժողովի ներկայութեան ցանկ մը կը պատրաստուի, որ կը պարունակէ ներկայ եղող կամ ներկայացուող բաժնետէրերու անունն ու հասցէն ինչպէս նաև իրենց ունեցած բաժնետոմսերու թիւը: Ներկայութեան թերթը կը ստորագրուի ներկայ ամէն բաժնետէրերուն կողմէ և զիւանէն վաւերացուելէ յետոյ ի պահ կը զրուի ընկերութեան կեդրոնը, փափաքողներուն ցոյց տրուելու համար:

Յօդ. 32 — Օրակարգը կ'որոշուի վարչութեան կողմէ: Օրա-

79-70959



կարգի կ'անցնին միայն վարչութեան կամ հաշուեքներէն հետո առաջարկները ինչպէս և ընդհանուր ժողովի իրաւասութեանց ենթակայ և առնուազն զրամագլուխի քառորդը ներկայացնող բաժնետէրերու ըստորագրութեամբ գտնէ ամիս մը առաջ վարչութեան հազորգուած խնդիրները:

Օրակարգէն գուրս գանուող որեւէ խնդրի մասին կ'արեկի չէ որոշում տալ:

Յօդ. 33 — Ընդհանուր ժողովին որոշումները կը հաստատուին ատենագրութիւններով որոնք մասնաւոր տոմարի մը մէջ կ'արձանագրուին և զիւանին կողմէ կը ստորագրուին:

Յօդ. 34 — Ընդհանուր ժողովը, օրինաւոր կերպով գումարուած, կը ներկայացնէ բաժնետէրերու ընդհանրութիւնը:

Ժողովին որոշումները, երբ տրուած են օրէնքի և կանոնադրութեան համաձայն, պարտադիր են ամէն բաժնետէրերուն համար նոյնիսկ բացակայ եղողներուն և համակարծիք չգանուողներուն:

Բ.- ՍՈՎՈՐԱԿԱՆ ԸՆԴՀԱՆՈՒՐ ԺՈՂՈՎ

Յօդ. 35 — Սովորական ընդհանուր ժողովը (տարեկան կամ բացառիկ նիստի հրաւիրուած) կը բաղկանայ այն ամէն բաժնետէրերէն, որոնք նուազագոյն տասը բաժնետոմս ունին և պահանջուած վճարումները կատարած են:

Սակայն տասը բաժնետոմսէն պակաս ունեցողները կրնան միանալ այս թիւը կազմելու համար և իրենցմէ մէկը ներկայացուցիչ զրկել կամ ժողովի ան-

դամներէն մէկը ներկայացուցիչ նշանակել:

Յօդ. 36 — Որպէսզի ընդհանուր ժողովի որոշումները օրինաւոր ընդունուին, պէտք է որ ներկայ բաժնետէրերը առնուազն ընկերութեան զրամագլուխին մէկ քառորդը ներկայացնեն:

Եթէ առաջին հաւաքոյթը այս պայմանը չլրացնէ, ընդհանուր ժողովը երկրորդ անգամ նիստի կը հրաւիրուի 29 րդ յօդուածի համաձայն: Այս անգամ ինչ որ ալ ըլլայ ներկաներու թիւը, որոշումները օրինաւոր կը նկատուին, պայմանաւ որ միայն առաջին հաւաքոյթին համար յայտարարուած օրակարգին չուրջ ըլլան վիճարանութիւնները:

Յօդ. 37 — Սովորական ընդհանուր ժողովի որոշումները կը զրուին ներկայ անդամներու ձայներու մեծամասնութեամբ, ձայներու հաւասար բաշխումի պարագային ժողովի նախագահին ձայնը գերակշիռ է:

Ժողովի ամէն մի անգամը ունի այնքան ձայն որքան անգամ որ տասը բաժնետոմս ունի կամ կը ներկայացնէ, առանց սակայն առաւելագոյն տասնէն հինգ ձայնէ աւելի իրաւունք ունենալու թէ անձնապէս և թէ իրրե ներկայացուցիչ:

Յօդ. 38 — Սովորական ընդհանուր ժողովը կը լսէ վարչական խորհուրդի տեղեկագիրը ընկերութեան գործունէութեան մասին ինչպէս նաև հաշուեքներէն հետո տեղեկագիրը ընկերութեան կացութեան և վարչութեան կողմէ ներկայացուած հաշուեկշռի ու հաշիւներու մասին:

Ան կը քննէ, կը վաւերացնէ կամ կը սրբագրէ հաշիւները և կ'որոշէ տրուելիք չահաբաժինը:

կը նշանակէ, կը փոխարինէ կամ կը վերընարէ վարիչներն ու հաշուեքննիչները.

կը ճշդէ վարչական խորհուրդին ինչպէս նաև հաշուեքննիչներուն վարձատրութիւնները.

կ'արտօնէ փոխառութիւններ պարտաթուղթերու հրապարակումով, գրաւի փոխարէն կամ այլ ձևով.

կուտայ նաև որոշումներ այն ամէն առաջարկներուն մասին որ օրակարգի անցած են և արտակարգ ընդհանուր ժողովի իրաւասութեանց մէջ չեն մտնիր:

Հաշուեկշռի և հաշիւներու վաւերացման մասին որոշում կրնայ արուիլ միայն հաշուեքննիչներու կողմէ ներկայացուած տեղեկագրի ընթերցումէն յետոյ, հակառակ պարագային որոշումը չեղեալ կը նկատուի:

Գ - ԱՐՏԱԿԱՐԳ ԸՆԴՀԱՆՈՒՐ ԺՈՂՈՎ

Յօդ. 39 — Արտակարգ ընդհանուր ժողովը կը կազմուի 35րդ յօդուածի համաձայն և պարտադիր կերպով պէտք է ներկայացնէ առնուազն գրամադրութի կէսը:

Յօդ. 40 — Որոշումները կը արուին հաւաքոյթին ներկայ գրամադրութի մեծամասնութեամբ:

Ժողովի ամէն մի անգամը ունի այնքան ձայն որքան որ բաժնետոմս ունի կամ կը ներկայացնէ առանց սահմանափակումի:

Յօդ. 41 — Վարչական խորհուրդի նախաձեռնութեամբ և առաջարկութեամբ, արտակարգ ընդհանուր ժողովը կրնայ որեւէ տեսակի փոփոխութիւն մտցնել ընկերութեան կանոնադրութեան մէջ այն չափով որ օրէնքը կը թոյլատրէ (ի բաց առեալ հետադային յիշուած

ընկերութեան նպատակին վերաբերեալ սահմանափակումը):

Մասնաւորաբար կ'որոշէ —

գրամադրութի յաւելումը կամ զեղչը.

բաժնետոմսերու ձևին, պայմաններուն և փոխանցելիութեան ամէն տեսակի փոփոխումը.

տեւողութեան երկարաձգումը, կրճատումը կամ վաղաժամ լուծումը.

միացումը կամ ձուլումը այս ընկերութեան, ուրիշ կազմուած կամ կազմուելիք ընկերութիւններու հետ.

տարրեր ձեւի ընկերութեան վերածումը.

ընկերութեան շահի կամ ինչքի բաշխման եղանակին փոփոխումը.

ամէն տեսակ փոփոխում, ընկերութեան նպատակին ի մասնաւորի դարձունէութեան դաշտի ընդարձակումը կամ սեղմումը, առանց կարենալ հիմնովին փոխելու ընկերութեան նպատակը կամ դայն իր էութեան մէջ խաթարելու:

Է.

ՎԵՑԱՄՍԵԱՅ ՎԻՃԱԿԱՑՈՅՑ - ԳՈՅԱՑՈՒՑԱԿ ՊԱՇԵՍՏԻ ԳՈՒՄԱՐ - ՇԱՀՈՒ ԲԱՇԽՈՒՄ

Յօդ. 42 — Հաշուական տարին կը սկսի Յուլիս 1 ին և կը վերջանայ Յունիս 30 ին:

Բացառաբար առաջին հաշուական տարին կը ներկայացնէ ընկերութեան կազմութենէն մինչև 30 Յունիս 1937 ի չրջանը:

Յօդ. 43 — Ամէն վեցամսեայի կը պարտաստուի ամփոփ

վիճակացոյց մը ընկերութեան ինչքերուն և պարտքերուն կացութիւնը ներկայացնող: Այս վիճակացոյցը հաշուեքներ ինչերու տրամադրութեան տակ կը գրուի:

Բաց ասոյի ամէն տարի օրէնքին համաձայն կը պատրաստուի ընկերութեան ինչքերուն և պարտքերուն կանոնաւոր ցուցակագրութիւնը: Ասոր մէջ ինչքերու կողմի վանաղան գլուխներէն կը պակսեցուին վարչական խորհուրդին կողմէ որոշուած արժէքազըր-կումները:

Գոյացուցակը, հաշուեկշիռը և Շահ ու Զէնի հաշիւը առատաւելն ընդհանուր ժողովէն երեսուն օր առաջ կը տրամադրուին հաշուեքներին և յետոյ կը ներկայացուին նոյն ընդհանուր ժողովին:

Ընդհանուր ժողովին նախորդող տասն և հինգ օրերու ընթացքին որեւէ մէկ բաժնեատէր կրնայ ընկերութեան կեդրոնին մէջ ծանօթանալ հաշուեկշիռն ու բաժնետէրերու ցանկին և նոյնիսկ, ծախքերը վճարելու պայմանաւ, կրնայ նաեւ հաշուեկշիռն ու հաշուեքներին տեղեկագրին ընդօրինակութիւնները ստանալ:

Յօդ. 44 — Շահագործման արդիւնքը, որ կը հաստատուի տարեկան վիճակացոյցով, իրմէ պակսեցուելէ յետոյ ընդհանուր ծախքերն ու ընկերութեան մասնաւոր ծախքերը, ինչքերու ամէն տեսակ արժէքազրկումներն և առեւտրական ու ճարտարարուեստական վճարանքներուն զիմացրուելու համար կազմուելիք ամէն տեսակ պահանսանքը, կը ներկայացնէ զուտ չափը:

Այս զուտ չափը կը բաշխուի հետեւեալ ձեւով —

- 1 - հարիւրին հինգ օրէնքով պարտադիր պահեստի հաշուոյն: Պարտադրութիւնը կը վերնայ երբ պահեստի

զուտարը կը հասնի ընկերութեան զրամագլուխի կէսին. իսկ կրկին ի զօրու կ'ըլլայ երբ որեւէ պատճառով պահեստի զուտարի որոշուած սահմանէն վար կ'ըլլայ:

- 2 - հարիւրին հինգ ընկերութեան աշխատաւորներուն, այս հարիւրին հինգի բաշխումը կը կատարուի վարչութեան ձեռքով.

- 3 - հարիւրին հինգ վարչական խորհուրդին.

- 4 - մնացեալը ընդհանուր ժողովի տրամադրութեան տակ միօրինակ կերպով բաշխուելու համար զրամագլուխի բաժիններուն և հիմնադրի բաժիններուն միջև, այնպէս որ ամէն մի հիմնադրի բաժնի յատկացուած շահաբաժինը հաւասար ըլլայ զրամագլուխի բաժնի մը տրուածին.

Եւ սակայն սովորական ընդհանուր ժողովը կըրնայ, վարչական խորհուրդէն եկած առաջարկին վրայ, որոշել, որ զրամագլուխի և հիմնադրի բաժիններուն յատկացուելիք շահի մասէն իր յարմար գատած զուտ մարները վերցուին, ըլլայ փոխադրուելու համար յաջորդ տարուան, ըլլայ գործածուելու համար յաւելեալ արժէքազրկումներու և կամ անցնելու համար մէկ կամ աւելի բացառիկ, ընդհանուր և մասնաւոր պահեստի հաշիւներու:

Յօդ. 45 — Շահաբաժիններու վճարումը կը կատարուի ամէն տարի վարչական խորհուրդին կողմէ որոշուած տեղերը և թուականներուն:

Կրողին սեփական բաժնետոմսերուն ինչպէս և հիմնադրի բաժնիներուն շահաբաժինները կը վճարուին արժեթուղթը կամ կտրոնը կրողին:

Առաջին վճարօրէն մինչեւ հինգ տարի չպահանջուած չահարածիները կը ջնջուին և կը մնան ընկերութեան:

Ը.

ԼՈՒԾՈՒՄ - ՀԱՇՈՒԵՅԱՐԴԱՐ

Յօդ. 46 — Որեւէ տան և որեւէ պարագայի արտակարգ ընդհանուր ժողովը կրնայ, վարչութեան կողմէ կղած առաջարկի մը վրայ, ընկերութիւնը լուծուած յայտարարել:

Յօդ. 47 — Երբ ընկերութեան գրամագլուխի կէսը հորտեւէ է, վարչական խորհուրդը պարտաւոր է արտակարգ ընդհանուր ժողով գումարել որոշելու համար թէ պէտք է ընկերութիւնը շարունակել թէ լուծել: Այս ժողովը, որպէսզի օրինական ըլլայ, պէտք է 39րդ, 40րդ և 41րդ յօդուածներու պայմանները լրացնէ:

Յօդ. 48 — Ընկերութեան պայմանաժամը լրանալուն կամ վաղաժամ լուծման պարագային ընդհանուր ժողովը, վարչական խորհուրդի առաջարկին վրայ, կը ճշդէ հաշուեյարդարի ձեւը եւ կ'անուանէ մէկ կամ աւելի հաշուեյարդարներ, որոնց իրաւասութիւններն ալ ինք կը սահմանէ:

Հաշուեյարդարներու անուանումը վերջ կուտայ վարչական խորհուրդի և հաշուեքննիչներու պաշտօններուն:

Կանոնաւորապէս կազմուած ընդհանուր ժողովը հաշուեյարդարի միջոցին նոյն իրաւասութիւնները ունի ինչ որ ունէր ընկերութեան ժամանակ: Մասնա-

ւորաբար իր իրաւասութիւնն է վաւերացնել հաշուեյարդարներու հաշիւները եւ զանոնք պատասխանատուութենէ ազատ կացուցանել:

Ընկերութեան յանձնառութիւններու և պարտքերու չիջումէն յետոյ հաշուեյարդարի գուտ արդիւնքէն նախ ամբողջութեամբ կը վերադարձուի բաժնեւորներու գրամագլուխը և յետոյ աւելին կը յատկացուի գրամագլուխի ու հիմնադրի բաժիններուն, համաձայն չահու բաշխման կղանակին:

Թ.

ԶԱՆԱԶԱՆՔ

Յօդ. 49 — Ներկայ կանոնադրութեան պետութեան կողմէ վաւերացուելէն և յայտարարուած գրամագլուխի նւազագոյն 49 առ հարիւրը արձանադրուելէ յետոյ միայն կրնայ ընկերութիւնը աշխատանքի և գործառնութեանց ձեռնարկել:

Յօդ. 50 — Ներկայ կանոնադրութիւնը ինչպէս և հետագայ փոփոխութիւնները հանրութեան պիտի ծանօթացուին:

ԱՌԱՋԻՆ ՎԱՐՉԱԿԱՆ ԽՈՐՀՈՒՐԴ

Պ. Պ. ԾՈՎՍԷՍ ՏԷՐ ԳԱՂՈՒՄՏԵԱՆ
ՀՐԱԶ ՓԱՓԱՋԵԱՆ
ՆՇԱՆ ՓԱՂԱՆՃԵԱՆ
ԱՐԱՄ ԳԱՋԱՆՃԵԱՆ
ՎԱՀԷ ՍԷԹԵԱՆ



ՀՀ Ազգային գրադարան



NL0299658

27.345



ԸՆԿԵՐՈՒԹԵԱՆ ՀԱԼԷՊԻ ՀԱՍՑԷՆ

VOSDAIN S. A.

B. P. 310

Alep